

AETHIOPIA

Exc. MI P. D. HAILÉ M. CAHSAY

Episcopi tit. Sozuseni in Libya
Exarchae Ap. Neanthopolitani (Addis Abeba)

Addis Abeba, die 10 aprilis 1960

Reverendissime Domine,

Litteras Em.mi D. Card. Dominici Tardini die 18 iunii 1959 datas habui; excusationem imprimis deprecor ob moram in responsione, etenim meus in regionibus septemtrionalibus discessus, pastorale opus perficiendi causa, ratio fuit. In sede perventus mea, alteras Tuas die 21 martii 1960 missas denuo inveni; quare ea enuntiare festino, quae, saltem apud nos, maximi videntur esse momenti pro fratrum dissidentium conversione ad catholicam religionem. Nescio utrum eadem existat ratio annon in aliis orientalibus partibus; utcumque, cum unus inter principales fines Oecumenici Concilii sit fratrum separatorum unio, fas mihi sit causas exponere quae nostratibus tamquam vera sunt obstacula ne ad catholicam convertantur religionem.

Exigitur locis et temporibus conformare opus missionarium.

Quapropter explanationis causa exponam breviter ea ad quae, Missionarii ad propagandam fidem, saltem in Aethiopiam, venientes, se accommodare debent.

1. Ignorare non licet ea quae fiunt apud fratres, amore quorum impulsus veram instaurare fidem student. Propterea liturgiae summam scientiam aethiopicam non solum habere, sed etiam ad eam in sacris peragendis se conformare debent.

2. *Ieiunium.* Apud dissidentes ieiunium magna prosequitur aestimatione, maximum tamquam doctrinae caput esset, cuius obsequio sui purgatio aeternaque salus solum dependeret. Quamobrem catholici latini id verbo et opere non observantes contrariumque praedicantes tamquam gentiles et Aethiopiae inimici videntur, inexplicabili odio invisus sunt. Bonum ergo animarum postulat ut regula hac in re strictior praescribatur.

3. *Missa vespertina.* Aethiopes dissidentes a tempore memorabili contumelia catholicos efficiebant, quasi vitandos, propter eorum Sacrificium et Communionem, uti dicebant, post comesum confectum sumptaque. Catholici aethiopes e contra demonstrare hactenus factis eorum affirmationis falsum conabantur.

Infeliciter tamen postremo tempore, facultate missam celebrandi vespere tres post comesum horas concessa, missionarii disciplinam istam etiam in Aethiopiam, magno cum catholicorum orientalium stupore atque dissidentium scandalo introduxerunt. Modo tali, uti videtur, pristinum adducendi sub unico ovile fratres conatum frustrati sunt.

Apostolatus ergo fecunditas et religionis bonum, ritus disciplinarumque in tota Aethiopia conformitatem exigit, quod ad primarium futuri Concilii finem adipiscendum, uti in Romani Pontificis intentione, saltem in parte iuvabit.

En animadversiones quas submittere opportunum puto prudenti Pontificiae Commissionis Antepreparatoriae Concilii iudicio.

Tibi add.mus in Domino

✠ HAILÉ M. CAHSAY

Exarcha Ap. Neanthopolitanus

2

EXC.MI P. D. IOSEPHI McGEOUGH

Internuntii Ap. in Aethiopia

Addis Abeba, die 24 augusti 1959

Eminentissime Domine,

Quamquam respondens invitationi (Prot. N. 1 C/59-1663) Eminentiae Tuae Rev.mae ut aliquod consilii opportunum pro fortuita consideratione Pontificiae Commissionis Antepreparatoriae relate ad futurum Concilium Oecumenicum proferam, diffidens sentio, sequentes opiniones submitto.

1. Orientales ecclesiae dissidentes, veram ex maiore parte doctrinam atque validitatem praesumptam Ordinum et Sacramentorum habentes, valde proximiores Ecclesiae Catholicae sunt quam sunt sectae protestantes. Hoc non obstante, hi dissidentes membra de « World Council of Churches » (protestanticus) sunt et in suis convocationibus intersunt — illud quod sine dubio progrediente tempore, in materia fidei periculum debilitationis et impulsus ad « indifferentismum » uti effectum haberet. Sitne possibile et opportunum ut studeatur quomodo Ecclesia, sine communicatione in divinis, permittere etiamque incitare possit aliquos catholicos facultatem habentes, ut ad hos dissidentes appropinquent ad discutiendas res communes et cum his in operibus caritatis christianae et auxilii socialis, plus quam praeterito tempore, cooperent ita ut de illis

periculum supra dictum removeatur atque simul status rerum pro sperabili Ecclesiae Catholicae coniunctione propitior creetur.

2. Rogatur si a Pont. Commissione Antepreparatoria, sine principiis fundamentalibus Iuris Publici Ecclesiastici compromissione, credatur opportunum vel non ut introducatur in Agenda, quaestio melioris vel amplioris definitionis ambitus doctrinae tollerantiae de rationibus cum Statibus modernis quorum leges « constitutionales » separationem inter Statum et Ecclesiam imponunt.

Has animadversiones iudicio meliori Superiorum submitto et ex corde profiteor

Eminentiae Tuae Reverendissimae
oboedientissimus servus

IOSEPHUS MCGEOUGH
Internuntius Apostolicus in Aethiopia

3

Exc. MI P. D. URBANI PERSON

Episcopi tit. Cymaei, Vicarii Ap. Hararensis (Harar)

Die 10 augusti 1959

Eminentissime Domine,

Pretiosa epistola tua, data die 18 iunii 1959, ad me hisce diebus modo pervenit, et tibi, Eminentissime Domine, maximas gratias ago.

Sentio me esse incertum quomodo tuis quaestionibus respondeam. Laborantes in missionibus, sumus aliquantulum in confiniis distantibus. Episcopi qui ministerium suum in sedibus urbanis implent, aptiores videntur ut aliquod consilium et aliquae opiniones proferant. Nihilominus, rogatus benigne a te, ea quae sequuntur proferre audeo.

1. Quod ad leges liturgicas attinet, prosit vero episcopis missionariis aliqua privilegia concedere ut iudicio suo nonnumquam persolvere possint aliquas difficultates; exempli gratia, in novis missionum locis unam alteramve legem liturgicam sequi impossibile est praesertim de Missa cantata.

2. Plus auxilii mutui inter clerum saecularem et regularem desideratur. Quod augeri forte possit si aliqui episcopi religiosi nominentur etiam pro illis antiquis dioecesibus Europae.

3. Regulae antiquae Ordinum religiosorum (v. g. regula Sancti Fran-

cisci) nostris temporibus consideratis, recognosci possint aut aliquae regulae partes non debeant obiectum voti religiosi esse.

4. Quod attinet ad sanctam legem coelibatus sacerdotalis, pro nonnullis casibus desperatis, possintne dari aliquae dispensationes?

5. In missionibus Diaconi laici sint qui possint, quando sacerdotes desint, baptizare, Sanctam Communionem administrare atque sanctam orationem habere.

Pro bono exitu et salutaribus pro animabus effectibus Concilii atque pro nostro Sancto Patre, Ioanne XXIII, Pontifice gloriose regnante, semper de corde oramus.

✠ URBANUS PERSON
Episcopus tit. Cymaeus
Vicarius Ap. Hararensis